

Regional News Unit AIR Aizawl
Tuesday, November 12, 2024
Time - 7:30 -7:40Hrs

REGIONAL NEWS BULLETIN

HEADLINES (MORNING)

- Chief Minister Pu Lalduhoman PWD hmalakna hrang hrang a thlir pui.
- Tourism Minister Pi Lalrinpuiin Chaltlang Tourist Lodge chu 5 star hotel siam turin midang kuta hlan an tum tih a sawi.
- Jharkhand inthlan thawhkhatna campaign hun chu nimin tlai dar 5 khan a tawp a. Naktukah vote thlak a ni ang.
- Manipur-a Jiribam district-ah security force ten ralthuam keng mi 10 an kaphlum.

<><><>

CM

Chief Minister Pu Lalduhoma hovin nimin khan PWD hmalakna hrang hrang thlirho a ni a.

Chief Minister chuan, thil dik lo zawng ngawr ngawra department te hmalakna enpui an ni lo va. An hnathawh hrang hrang leh harsatna an tawhte inhriatsak nan te, chak zawka an thawhho theih nan he hun hi buatsaih a ni, a ti.

He hunah hian PWD Minister Pu Vanlalhlana leh PWD officialste bakah an hnathawh nena inkaihnhawihna nei department Environment, Forest & Climate Change Minister Pu Lalthansanga leh official te, Land Revenue & Settlement Minister Pu B. Lalchhanzova leh official te leh Law department aiawhten an telpui a. PWD hnuaiia contractor thenkhat pawh koh tel an ni.

PWD hian SASCI project 126, PMGSY hnuaiiah project 53, NEC/ NESIDS hnuaiiah project 29, NEPD/SEDP hmangin project 9, NABARD hnuaiiah project 51, CSS project 8 CRF/ SCA hnuaiiah project 10, MoRT&H hnuaiiah project 15, Bridge Work 21, Mixed head hnuaiiah project 10 leh Sanction head 5054 (Road & Bridges) hnuaiiah project 192 te an thawk mek a. Heng an hna thawh mek zinga harsatna an tawhna te tarlangin; a chin fel dan tur te pawh an ngaihtuah ho a ni.

Chief Minister hian kartin Department pakhat tal Review Meeting neihpui ziah tur hian ruahmanna a siam a. Tun tum hi a buatsaih tum hnihna niin kar hmasa khan Horticulture, PHE leh RD te chu a lo neihpui tawh a ni.

Chief Minister hi Adviser to CM Pu TBC Lalvenchhunga, Swcy to CM Pu Vanlaldina Fanai, Planning SEcy Pu Lalmalsawma Pachuau, Finance Secy Pu Lalthansanga leh official pawimawh dangten an tawiawm a ni.

<><><>

MIZORAM POLYTECHNIC

Lunglei Mizoram Polytechnic zirlai te chu an Institution building 7, Sorkar in luhman a pek loh avanga Court in vawiina kalh tur a Lunglei Police a hriattir angin zirlai te chu an Institution Multipurpose hall ah an in thiar lut a.

Zirlaite hi tunkar Nilainiah Exam tur an ni a, nimir khan Mizoram Polytechnic Principal leh MSU Lunglei hruaitu ten Court ah zahngaihna an dilpui a, amaherawhchu court hi a thu ah a tawlhkir dawn lo niin kan corr chuan a sawi.

Lungleia kan corr report lo ngaithla ang.

Court in Mizoram Polytechnic building a kalhsak tur te hi

1. Main bldg
2. Science block
3. Seminar Hall & Library
4. Fitting & Pumbering workshop
5. Workshop
6. Farm house
7. Store room te an ni.

Kan corr sawi danin, Principal hlui leh he Institution a din tirh atanga lecturer thawk, Er Ch.Malsawma chuan a thawh chung zawng khan mimal ramah Institution hial bldg an sak thu a hriat loh thu leh ram hawh man thinna an dawn a hriat loh thu a sawi a ni.



TOURISM MINISTER

Tourism Minister Pi Lalrinpuii chuan Chaltlang Tourist Lodge chu 5 star hotel a nih theihna turin midang kuta hlan, outsource an tum tih a sawi.

Nimina Aizawl Press Club-a chanchinbumite a kawmnaah he thu hi sawiin Minister chuan khualzinte tana hmasawna ruhrel tha nei turin nasa taka hma an lak thu a sawi a. Mizoram chu state pakhat ni ve riang ruang si a 5 star hotel a nei lo chu a vei thu sawiin. Plenary, meeting leh business summit liantham dawng ve tur pawhin state in hmunhma a nei lo chu a buaithlak a, hetiang hi Mizoram dinhmun a nih laiin hotel chain lian tak tak ten Mizorama 5 star hotel din duhin an dawr a. Chaltlang Tourist Lodge chu 5 star hotel a nih theihnan outsource mai turin hma an la ta tih a sawi a ni.

Minister chuan hemi atan hian tihtur ang angte an tihfel nual tawh thu a sawi a. Tunah hian bungrua an neihsa te a hlutna hriatchian a ngaih avangin a chhut hna thawk turin PWD department ngen an nih thu sawiin an niin a hlutna chhut hna hi an zawh hunah a hna thawh a dil theih a ni tih mipui hna puzarna, Expression of Interest an chhuah mai theia a beisei thu a sawi a, an sorkar chung ngeia 5 star hotel neih theih a in beisei thu a sawi a ni.

Minister chuan tunah hian project hrang hrang pilgrimage leh heritage tourism tihchangtlunna tur te, meeting leh conference lian Mizoramin a thlen ve theihna tur project te, eco-tourism site a tourist te mamawh siamna tur te, Berawtlang Tourist Resort chei thatna tur te, State chung thilsiam chhuah zawhna tur Aizawl Haat bakah PM Ekta Mall leh a dangte an buaipui mek thu a sawi a ni.



CYMA

Central YMA chuan nimin khan Myanmar buai avanga Zohnahthlak raltlan Manipur Jail-a hren mekte chu Mizorama lak chhawn theih dan kawng dap turin Home Minister Pu K. Sapdanga an ngen.

Central YMA hruaitute hi an President Pu Lalhmachhuana hovin Home Minister pisaah an leng a. Tunhnaia Sub-Hqrs. YMA, Champhai huam chhunga Myanmar Raltlante khawsakna In chu, Sawrkar lamin an hman a tul dawn tak avangin, Relief Camp thar sakna tur DM&R Deptt. a senso tur sum an dilna lehkha DM&R Minister hnenah an thehlut a.

Minister chuan thil ÷ul tak a nih thu leh ÷ha a tih thu a lo hrilh a, a rang thei ang bera hmalak dan tur rel turin Committee koh a nih tur thu a lo hrilh a. Myanmar buai avanga Zohnahthlak raltlan, mi eng emaw zat, Manipur Jail-a hren mek te, Mizoram lama lak chhawn theih dan kawng dap tura Central YMA ngenna pawh police lam hotute nen hmalak dan tur an lo sawiho tur thuin a lo chhang.

Central YMA hruaitute hian Village Profile Apps. Lailen Consulting Pvt. Ltd. an siam tir chungchang Home Minister hi an sawipui bawk a. Home Minister hian senso ngai belh tur a awm a nih pawhin, a rang thei ang bera hman theih a peih ni se a lo ti a. Tunhnaia Zirlai Pawl pakhat hruaitu man an awm chungchangah dan chunga leng tumah an awm loh thu leh, hetihruala he thil thleng avanga Mizoram Zirlai pawl leh hruaitute inkarah te, Sawrkar lam nen a inkarahte pawh boruak ÷halo awmlo tura ram leh hnam ngaihtuahna fim tak nena kalpui a ÷ul an tih thute an sawi a ni.



MPYCC

Congress thalai chuan tun thla ni 7 zana Manipur Jiribam District-a Pu Ngurthansanga Hmar nupui Pi Zosangkimi Hmar, kum 31 mi pawng suala hal hlum zui anih chungchangah Manipur Chief Minister lehkha an thawn a.

Congress thalaite chuan Manipur Chief Minister N. Biren Singh chu a ranglama hmala tura ngenin Pi Zosangkimi pasal Pu Ngurthansanga Hmar leh a fate hnena zangnadawmna pe ngei turin an ngen a ni.

MPYCC President Pu Laltawnliana chuan, Manipur buaina chungchangah Pu Lalmuanpuia Adviser to Chief Minister in August ni 3 khan Lamka-ah thuthar thehdarhtute a kawm tumin Chief Minister Pu Lalduhoma leh Union Home Minister Amit Shah te inbiakna chanchin a lo hriat thu a sawi a. Manipur Chief Minister N. Biren Singh-a'n Manipur buaina chingfel tura palai hna thawk tura Pu Lalduhoma a sawm thu leh Chief Minister Pu Lalduhoma a biak nghal thu a sawi ni a a hriat thu a sawi a, amaherawhchu hemi hnu hian Manipur Chief minister hian remna palai atan Mizoram Chief Minister ruat a nih loh thu leh thu dik lo a nih thu Manipur Assembly House-ah a sawi tih a sawi a. Hemi hnu hian Manipur Chief Minister hian na tak tak leh tawngkam mawi lo tak takin Mizoram Chief Minister a cho thu national media lamah hmuh tur a tam zui hle a. Hei hian Mizoram mipui nasa takin a ti chia a, heti taka khawvel pum hmuha Mizoram mipuiin an thlan Chief Minister a chona chu Congress thalai chuan a ngaizam mai mai dawn lo a ti a. Na taka Manipur Chief Minister chu dolet turin Mizoram sorkar leh mipui a sawm thu a sawi a ni.

Pu Laltawnliana chuan, Mizoram Home Minister zahawm tak Pu K. Sapdanga'n November ni 2-a ZPM Working President a nih laia Aizawl Press Club-ah thuthar thehdarhtute a kawm tuma Manipura Mizo unaute tawrhna chungchanga an hmalak dan tur a sawi pawh Mizoram mipui leh Manipura unauten a tak takin hmuh an duh tawh a ni, a ti a. MPYCC chuan Manipur Chief Minister Pu Biren Singh hnena Lehkha an pek bakah Union Home Minister Pu Amit Shah leh Mizoram Chief Minister Pu Lalduhoma pawh he lehkha hi an pe bawk a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



JHARKHAND ELECTION

Jharkhand inthlan thawhkhatna campaign hun chu nimin tlai dar 5 khan a tawp a. Political Party hruaituten theihtawpin chhuahin campaign tawp niah beihpui an thlak a ni. Inthlan thawhkhatna hi naktukah neih tur niin Assembly bial 43 ah vote thlak a ni ang.

BJP hruaitu senior leh Prime Minister Narendra Modia chuan vawiin khan Jharkhand-a BJP worker-te a kawm a. Double-engine sawrkar chu Jharkhand hmasawna atan a pawimawh thu a sawi a. Palw behchhan veka kal an nih avangin inthlan apiang chu worker-te thawhrimnaah a inngat thui hle a ni a ti bawk.

Hetihlai hian Jharkhand CM leh JMM hruaitu Hemant Soren-a chuan NDA sawrkar chhungin Jharkhand chu ngaihthah a hlawh a ti a. Palamu-ah he thu hi sawiin Pu Sorena chuan NDA sawrkar chu an state-a project pawimawh tak takah an ngaihthah a ni a ti bawk.

Kan Corresspondent chuan inthlan thawhkhatnaah hian vantlang inkhawm hi hmun 200 chuangah huaihawt anih thu a sawi.

Nimin tlai vek khan Assembly bial 33 leh Wayanad Lok Sabha By-election atana campaign hun a tawp ve bawk a ni.



MANIPUR

Manipur-a Jiribam district-ah security force ten ralthuam keng mi 10 an kaphlum. Police te sawidanin nimin khan Jakuradhar leh Borobekra-a CRPF awmte chuan beih an tawk a. Sipaite hian lo kap let ve in hun engemawchen an inkap a, mi 10 kahlum an nih bakah ralthuam engemawzat man tel a ni a. CRPF sipai pakhatin hliam a tuar bawk a. He thilthlengah hian thubuui ziahluh niin chhui zui nghal a ni.

